

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 41. stav (4) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj 13/18, 6/19 i 22/19), na prijedlog ministra Ministarstva unutrašnjih poslova, Vlada Zeničko-dobojskog kantona, na 46. sjednici, održanoj dana 03.03.2020. godine, d o n o s i

RJEŠENJE

o godišnjoj ocjeni rada policijskog komesara Ministarstva unutrašnjih poslova Zeničko-dobojskog kantona za 2019. godinu

I.

Semir Šut, policijski komesar Uprave policije Ministarstva unutrašnjih poslova Zeničko-dobojskog kantona, za rad i postignute rezultate rada u 2019 godini, ocjenjuje se ocjenom „Uspješan“.

Obrazloženje

Zakonom o unutrašnjim poslovima Zeničko-dobojskog kantona, u odredbama članova 20., 40. i 41. stav (2) i (3) propisano je da je policijski komesar mjesečno izvještava Nezavisni odbor za izbor i reviziju o svom radu, da Nezavisni odbor za izbor i reviziju prati rad policijskog komesara i utvrđuje prijedlog godišnje ocjene rada koji posredstvom ministra dostavlja Vladi Kantona, a Vlada Kantona donosi konačnu godišnju ocjenu o radu policijskog komesara.

U skladu sa naprijed navedenim odredbama Nezavisni odbor za izbor i reviziju je svojim aktom broj: 01-03-1200-2-1/20 od 03.02.2020. godine dostavio Prijedlog godišnje ocjene o radu policijskog komesara za 2019. godinu, policijski komesar je aktom broj: 08-02-30-2-342-1/20 od 05.02.2020. godine dostavio svoje izjašnjenje u vezi sa prijedlogom Nezavisnog odbora za izbor i reviziju, a ministar Ministarstva je aktom broj: 08-01-30-2-342-2/20 od 05.02.2020. godine dao svoje mišljenje o predloženoj ocjeni koju je dostavio Nezavisni odbor za izbor i reviziju.

Shodno navedenom doneseno je rješenje kao u izreci.

POUKA O PRAVNOM LIJEKU: Protiv ovog rješenja policijski komesar ima pravo uložiti prigovor Vladi Zeničko-dobojskog kantona, u roku od osam dana od dana prijema rješenja.

PREMIJER

Mirza Ganić

Broj: 02-_____/20
Datum, 03.03.2020. godine
Z e n i c a

DOSTAVLJENO:

1x Ministarstvo unutrašnjih poslova,
1x Imenovani, putem ministarstva,
1x Nezavisni odbor za izbor i reviziju, putem ministarstva,

1x a/a.